

何海鳴先生著

永幸福爾隨筆

良權出版部發行



2



求
幸
福
為

隨
筆

元
垢

中華民國五年八月十月初版

求幸福齋隨筆初集

定價大洋七角



著 者 衡 陽 何 海 鳴

總 發 行 所 民 權 出 版 部

上海四馬路麥家園東口

分 售 處 各 省 各 大 書 坊

印 刷 者

中國圖書公司印刷所

上海四馬路東二十一號

垂死春蠶猶作繭

再來秋雁已無聲



(像造者著)

序一

或曰。以求幸福齋主人之筆。在曩年報界中。學悍婦罵街。以醜詆當世之人。尙不值大雅之一哂。近復放蕩怪誕。撫拾諛辭浪語。作隨筆數卷。既非衍述舊聞。爲小說家言。又非引經證古。鈎玄提要。別陳奧義。以自炫其宏博。徒爲醉翁口沫。信口開河。果何爲者是。亦可以休矣。主人曰。客焉知者。予之作固異於他人之作也。夫筆記雜綴之書。自漢魏迄於近代。求其目於四部。蓋累千萬種。恣談神怪。紀載野乘者。比比皆是。甚至一事之微。輾轉抄襲者。數十家。毫未參以真見解真意義於其間。徒以補白。是誠何苦。縱云古人之作。未可一概抹煞。其間新奇賅博。足資談助而增知識者。固自有之。然後來之作。總以不因襲前人之唾餘。拾取目前之瑣屑爲當。予不文。且不思以文炫世。何能如客所云。引經證古。鈎玄提要。以自示宏博。縱能宏博矣。而引經證古。又未必卽爲有用之書。故予乃不此是圖。而求其次。然又欲如客言。勉爲小說家言。自問亦能妖嬈作態。與人爭一日之長。但非初心所願。必欲糜肉調脂。作衒衒中扁食。令市人大遂其嗜慾。鼓腹而去。又竊自醜。故予乃終甯爲予之不倫不類之波辭浪語。而無悔焉。況予之志不在著作也。竊自入世以來。造化小兒。恆與予以不堪心緒。愈惡劣性情。愈冷僻。見人恆寡言笑。然予腦海中。固嘗積存有許多之妙想。有時與契友談心。傾其肝膈。又嘗有許多之妙語。發現於無意之中。事後漫難記憶。似覺可惜。故泚筆記之。藉存其稿。後徇愛國報社記者之請。出其稿刊之。以填篇幅。讀愛國報者。既閱予稿。乃竊竊私議。謂此寡言笑之某某。乃有風趣。如是。既驚其怪。又訝其不似。遂紛紛請予付刊。冀與多

求幸福齋隨筆 序文

二

人其見之故予此書。遂殃鉛槧。閱者閱此原不必問其體裁奚似。內容如何。視爲予個人之談話可耳。予無狀與愛我之人不相見者二年於茲。今茲購閱予書。必愛我之情甚摯。急欲聆予近來之談吐何若。故予此作。亦遂盡情而談。不懼人之譏評。蓋深知人必不以文字之陋劣罪我也。斷斷於答或問。又胡爲者。惟邇年聰明英銳。日就頹喪。出言淒惻。不無可悲。而斯世斯時。又僅以談辭浪語對人。亦終覺可羞耳。

中華民國四年八月十五日求幸福齋主人自序於上海客次

序二

求幸福齋隨筆初集將付梓。吾索觀之。既而歎曰。有是哉。有是哉。吾不知作者。下筆時其情景。爲悲。爲喜。爲莊。爲諧。爲成。爲敗。爲真。爲幻。爲榮。爲辱。爲生。爲死。爲嬉。笑。爲怒。罵。爲歌。吟。爲哭泣。爲鴛。狗。萬類。爲顛。倒。衆生。而使讀者耳之目之。觸之味之。如磁之吸鐵。如水之投乳。其心中懣懣。恍恍。惘惘。迷迷。亦不知何者。爲悲。何者。爲喜。何者。爲莊。何者。爲諧。何者。爲成。何者。爲敗。何者。爲真。何者。爲幻。何者。爲榮。何者。爲辱。何者。爲生。何者。爲死。何者。爲嬉。笑。何者。爲怒。罵。何者。爲歌。吟。何者。爲哭泣。何者。爲鴛。狗。萬類。何者。爲顛。倒。衆生。蓋作者生平最崇拜英雄豪傑。美人名士。故著之於心。形之於筆。無處不有英雄豪傑。美人名士之小影。則是書也。直開闢鴻溟以來。英雄豪傑。美人名士之一幅繪真圖耳。隨筆云乎哉。惟作者書中之英雄豪傑。美人名士。又異於大千世界。恆河沙數之英雄豪傑。美人名士。而此大千世界。恆河沙數之英雄豪傑。美人名士。又異吾心目中。夢中。意中之英雄豪傑。美人名士。

而適讀是書則不禁喜極而駭極而狂蓋作者書中之英雄豪傑美人名士卽吾心中目中夢中意中之英雄豪傑美人名士也滄海桑田萬千劫裏不知埋沒無量數英雄豪傑美人名士吾曩思此不禁爲之大聲呼屈今讀是書又不禁爲之大聲叫快作者其殆滄海桑田萬千劫裏所埋沒無量數英雄豪傑美人名士之化身故能具此高深玄妙之思想寫出光怪奇離之文章而滄海桑田萬千劫裏所埋沒無量數之英雄豪傑美人名士皆賴以表揚而光大之不然則作者爲近今事業派中轟轟烈烈之人物而奚事以文學鳴哉又不然以作者之聰明才力何難著爲經世之文藏之名山以風來葉又奚事以隨筆傳哉然而世界無英雄豪傑美人名士則不過塊然一片土耳蕭蕭條條冷落有何關重有何興趣故英雄豪傑美人名士者所以點綴世界之場面者也作者書中之英雄豪傑美人名士所以點綴文章之場面者也世界含英雄豪傑美人名士而非無他物作者書中含英雄豪傑美人名士而非無他事然不過如舞臺上之張旗喝道者雖不足貴而亦不可少一言以蔽之曰敷衍場面而已嗟乎世界一大舞臺也英雄豪傑美人名士一大舞臺上優等最優等之藝員也忽悲忽喜忽莊忽諧忽成忽敗忽真忽幻忽榮忽辱忽生忽死忽而嬉笑忽而怒罵忽而歌吟忽而哭泣忽而芻狗萬類忽而顛倒衆生剎那之頃有朝代之異焉人我之間有山河之阻焉愈演愈烈愈唱愈高往往檣板初敲而心魂先化檣板已終而餘音不絕則吾之讀是書也又不啻身登大羅天上聽廣寒仙子奏霓裳羽衣之曲仙仙乎而望乎吾又安問天上宮闕今夕是何年乎中華民國四年秋八月衡陽王血痕序於上海愛國報社

序三

求幸福齋隨筆 序文

四

婦聞。滴露研朱。張子。簪妝樓之記。含媒。嚼墨。康生。藥菊。部之。譚北。夢瑣。言傳。奇誌。異西。京雜。記。擊險。鉅幽。網玉。羅
瓊。香祖。軒貯。古今。之秘。寶模。山範。水畫。禪室。描。天地。之璇。圖。記事。記。言。識。大。識。小。原。原本。本。炳。炳。麟。麟。古。籍。不。已。
多。乎。筆。記。由。來。尚。矣。求。幸。福。齋。主。人。者。三。湘。傑。士。七。澤。文。人。都。忤。江。甯。曩。日。之。英。風。足。矣。簪。文。渥。漢。爾。時。之。妙。墨。
猶。存。本。年。夏。復。簪。求。幸。福。齋。隨。筆。若。干。卷。校。藏。屬。予。爲。之。序。吁。乎。士。君。子。際。外。患。侵。陵。之。會。國。基。碑。兀。之。秋。躍。馬。
橫。戈。大。有。待。也。懷。鉛。握。槩。夫。奚。可。哉。無。那。投。筆。有。懷。移。山。無。計。不。得。已。退。而。臨。流。淥。硯。硯。蝕。蠹。篆。蟲。閉。戶。燒。燈。擔。糟。
負。粕。縱。云。乘。槎。絕。域。自。古。崇。蓋。代。功。勳。然。而。寄。跡。書。城。祇。好。爲。名。山。事。業。此。主。人。隨。筆。所。云。人。而。作。文。自。見。乃。無。
聊。而。不。得。已。之。事。也。顧。摘。句。成。文。討。論。索。丘。要。典。斷。章。取。義。校。正。經。史。微。言。褒。貶。一。準。乎。皮。裏。陽。秋。探。討。已。得。其。
寔。中。現。象。正。言。議。論。匪。同。浪。跡。叢。談。鉅。製。宏。編。迥。異。歸。田。瑣。記。細。繙。歐。洲。戰。事。詳。參。中。國。預。言。集。腋。成。裘。釀。花。作。
蜜。觀。乎。止。矣。作。者。豈。然。登。王。氏。之。堂。墻。與。一。片。入。韓。家。之。室。經。緯。萬。端。一。部。論。衡。莫。使。蔡。帷。深。秘。八。篇。呂。覽。自。當。
秦。市。高。懸。僕。也。學。慙。博。雅。才。謝。宏。通。粗。識。之。無。不。分。殺。黍。成。蕪。蔓。之。詞。聊。作。苞。茅。之。貢。而。

民國四年秋尋鄺摩翰序於海上旅次

序四

余讀求幸福齋隨筆。慨然若醒。酬。盡。頂。掌。爲。其。弗。能。釋。也。豈。韓。娥。之。曼。聲。長。歌。一。里。老。幼。喜。躍。拊。舞。歟。抑。其。

文。閣。肆。其。詞。怨。刺。鈞。深。致。遠。探。竄。索。隨。匠。心。獨。出。非。巾。幘。而。事。人。者。之。有。契。於。中。也。樂。正。子。與。謂。公。子。牟。曰。子。以。公。孫。龍。之。鳴。皆。條。也。余。之。於。求。幸。福。齋。得。無。然。乎。古。賢。者。不。得。志。往。往。恣。情。山。水。寓。意。鳥。獸。寫。其。漣。鬱。道。其。幽。思。述。往。事。以。示。來。者。如。韓。非。屈。平。賈。誼。叔。夜。之。儔。是。已。其。旨。約。以。邇。其。聲。大。而。遠。而。孤。臣。孽。子。寡。婦。慙。士。之。什。悲。愁。感。憤。動。人。尤。深。意。其。倫。歟。聞。將。哀。輯。就。梨。棗。因。媒。而。序。之。亦。以。寫。胸。中。之。所。好。云。爾。

乙卯秋襄賈公謬識於人定廬

序五

主人。今。之。真。男。子。也。脫。腐。儒。之。積。習。意。名。士。之。清。狂。按。劍。發。姦。事。業。悵。參。辰。之。晦。下。帷。數。典。著。述。分。太。乙。之。光。俯。仰。譚。叢。優。游。理。窟。齋。名。幸。福。普。藏。之。願。可。求。筆。擬。春。秋。狐。董。之。辭。定。直。考。乎。史。小。史。可。補。徵。文。獻。稽。於。書。稗。書。乃。昉。自。虞。初。魏。漢。之。際。慘。韓。鳳。毛。唐。宋。而。還。充。饕。牛。汗。金。匱。石。室。本。國。粹。之。富。藏。刻。玉。雕。龍。萃。劇。談。而。成。帙。君。則。庚。庚。妙。緒。信。手。拈。來。乙。乙。絀。絲。取。懷。而。予。副。墨。已。就。殺。青。待。成。彙。錄。若。干。定。爲。初。集。廣。采。葑。菲。巧。余。獻。言。細。審。內。容。信。其。美。矣。統。括。全。旨。得。其。趣。焉。爾。其。龍。威。贊。秘。闡。揮。幽。微。鳥。跡。羣。紋。追。拾。塵。網。拈。記。事。之。珠。能。知。萍。實。奪。雄。辯。之。席。博。考。名。郵。吐。精。和。而。搥。英。華。演。璠。璣。以。紹。經。緯。昨。痛。腐。之。舌。出。其。新。型。醉。名。流。之。心。推。翻。陳。案。長。儕。遷。馬。睥。睨。康。生。之。堂。智。握。靈。蛇。躡。蹠。張。公。之。室。豈。好。奇。哉。是。稽。古。也。然。而。工。野。錄。以。論。興。亡。究。朝。儀。而。評。國。是。藏。慧。以。胸。衡。歐。西。之。戰。局。畫。疑。在。掌。辨。微。中。於。談。言。閒。情。寄。夫。芳。草。宮。轅。夢。華。幽。思。託。以。美。人。天。風。唾。玉。竟。重。陽。之。句。不。讓。潘。

求幸福齋隨筆 序文

六

邪扣廣陵之絃。應推藉散詞傳。黃絹表孝女於江頭。文寫烏絲。彰烈士於海上。誌一蛇之夜哭。事著龍門。認六鷁之書飛。書垂麟筆。就邇僉載。是述今也。若夫登高作賦。捉麈尾以流連。遇物題詩。掉鴨頭而跌宕。模山範水。未識燕子樓空。蕩氣迴腸。轉恨桃花命薄。鴈池覺渚。極閱歷之奇踪。玉格貝編。得江山之美錯。身異局於一隅。神且遊乎六合。擅格物之能。得論理之奧。疏草木以讀葩經。辨蟲魚而紹翼雅。總八荒之閒見。描萬國之土風。糠粃乾坤。獨杼偉識。蜉蝣今古。別具雄心。步北夢之瑣言。進西京之雜記。非以紀遊。是選勝也。而迺拔劍斫地。有意撾罵。曹之鼓把筆問天。無方擊斃呂之錐角。善觸邪。刻世態而入畫草。能指佞。摹物情以傳神。勸善懲惡。未忘皮裏陽秋。法語巽言。亦是腦門針灸。臨風感慨。屈子離騷。入夢悟非莊生。齊物燃燭。怪之犀魅魍魎。戢影懸照。妖之鏡魍魎潛。形識大識小。是微言也。雖然。夜雨秋燈。紹壬有兩般之筆記。披風把盞。阮亭作池北之偶談。誦鈕琇之觚賸。奇趣橫生。閱王陶之談淵雅言。流溢藝苑。風流王謝。驥稱於晉代文章。磊砢崔盧。崔噪於康朝。皆以衣冠舊族。耽嗜小言。華胄名家。好為瑣記。尙書故實。非盡荒唐。天祿識餘無傷典。則況君本三湘英傑。七澤聞人。屑玉碎金。手爲天馬磨刀。橫槊志偕屠龍。石頭舞蘇曾都督於江甯。漢上主文已蜚聲於中外。此日韜光滬濱。結翰墨之姻緣。他年出駕東山。慰黔黎之渴望。就觀韓陵片石。炤梁苑之精華。江郎彩毫。唾爐旂之珠玉。預卜風行鴻文。流傳乎四海。定知紙貴。驥譽震動於九關。媿余不文。勉效野人之獻辱。君寵囑聊副庸民之心。

民國四年孟秋清江毛亞俠拜序於海上旅次

題詞一

孟平病中作

不。今。博。雅。不。矜。奇。隨。意。談。談。隨。寫。之。無。限。牢。愁。無。限。恨。此。中。歌。哭。耐。人。思。
長。沙。涕。淚。三。閭。騷。任。意。發。揮。盡。興。號。山。鬼。美。人。同。破。膽。秋。江。夜。夜。悵。寒。濤。
牛。鬼。蛇。神。人。世。界。虎。皮。羊。質。鬼。工。夫。輕。輕。說。破。渾。何。事。鼓。掌。高。歌。看。遂。盧。
識。字。終。凶。不。是。福。年。來。我。悔。欲。燒。書。無。端。病。魔。枉。相。顧。又。道。此。中。有。靈。符。

題詞二

織雲女史

葵。影。斜。陽。漆。室。憂。秋。來。相。顧。尙。飄。流。乾。坤。地。窄。襟。期。遠。消。息。古。今。此。付。郵。

題詞三

瀟湘少年

豺。虎。滿。中。原。隱。憂。猶。未。已。連。年。困。東。瀛。救。國。哀。吾。子。金。陵。舊。夢。多。壯。心。貫。終。始。肯。走。爲。斯。民。鬱。鬱。復。居。此。豈。遂。忘。
奮。飛。杜。門。守。斐。几。妙。想。出。人。寰。下。筆。沾。沾。喜。書。成。數。萬。言。欲。貴。洛。陽。紙。我。亦。楚。狂。人。哀。歌。寄。蘭。芷。逃。空。聞。足。音。愴。
懷。忽。起。且。爲。斟。綠。醅。杯。借。洞庭。水。屠。龍。終。有。期。羣。生。頌。葛。藟。還。傾。東。海。波。一。沈。大。陸。恥。

題詞四

息疚

英。雄。豈。必。文。章。勝。聊。作。烟。雲。示。後。人。硯。海。洶。成。千。古。秀。筆。花。點。綴。萬。家。春。賈。生。痛。哭。空。餘。恨。蘇。老。莊。諧。妙。絕。倫。君。
不。尚。書。我。有。淚。各。抒。懷。抱。見。心。真。

求幸福齋隨筆 題詞

二
石谿詞客

題詞五

讀雲編。敲金戛玉。天孫惜纖雲。錦鈎玄提。要探微奧。一片鱗鱗。炳炳文思。靜且句。挾風霜。筆力回天。迥獨尋蹤。徑把峯簑雞碑。龜經鼠序。細語商量。定邯鄲夢。都被東風吹醒。歸來海上。隱文章。自古多疑義。欲待斯人訂正。探妙境。看倚馬雕龍。腕底海潮。趁江花弄影。喜作詒翻。新陳言化。腐正義千秋凜。(邁陂塘)

題詞六

衡鴈

合眼倚天嘯。滿毫繪古今。閒情殊有。急件世似無心。怕是英雄淚。流爲空谷音。臨風一開卷。明月獨相侵。男兒喜任俠。名士重文章。遭世非稱意。立身益有方。長城待飲馬。渤海對飛觴。誰遣搖珠玉。天花散自忙。

題詞七

寒翼

黑雲黯黯蟹窩沉。兀魁黽魍魎。魑魅萬丈。孽沙大道行人趨避。由怒風狂震。漏屋魍魎鬼哭。驚平地甚難。祈魯靈光一點照清妖異。幸相值菩薩天降。大發慈悲。普渡垂意。手執楊枝。雨露衆生福。賜編纂金剛。消苦難。說明色相醒。淫醉欲驅魔。願人人。口題心誌。(倦尋芳慢)

映韶華。胸隙世事。滄桑人生如夢。奔走忙忙。晒芸芸蟻衆古往今來。幾人名在言念心忡。痛夙負豪懷。馳驅任我欲爲國棟。雄比拿翁。尙難酬志。不若毫端。任君橫縱。滿紙生花。更由君箴諷。紙貴洛陽。風行雷厲。定戶傳家。誦人作晨鐘。天徇木鐸。萬年稱頌。(醉蓬萊)

題詞八

三中子

幸福難希冀。要求胆亦豪。熱腸如海湧。愁思入秋高。憂國詩宗杜。忘懷跡似陶。鑄金吾願事。仁澤及同胞。

題詞九

劍在

中原慘淡屬黃昏。壯士何從招國魂。苟狗營蠅多跋扈。城狐社鼠任狂奔。窮途愧我無良劍。末俗欽君有正論。一點靈光留雪爪。巋然千古照乾坤。

題詞十

舍予子

華嚴兩字等春秋。隨筆生花意自由。名士美人堪共賞。求來幸福幾生修。慢云天下理無窮。紀事言情今古通。俠骨柔腸何所寄。海涯鳴鴈一聲中。



求幸福齋隨筆初集

衡陽何海鳴著

予於古代英雄豪傑獨愛項羽。幼時作項羽論。極得塾師稱許。流徙東瀛。後閱無一事。欲另編一項羽傳。名曰楚霸王。以少參攷書而罷。一日抑鬱甚。信口吟七律一其詞曰「人生如夢復如烟。明日白頭今少年。不向風塵磨劍戟。便當情海對嬋娟。英雄兒女堪千古。鬢影刀光共一天。沒個虞姬垓下在。項王佳話豈能傳。」詩成無題。即以佳話題之。自誦數遍。不覺狂笑。又復大哭。閱數日。復閱鄭板橋集。鉅鹿一首中有句曰「項王何必爲天子。只此快戰千古無。」又云「何似英雄駿馬與美人。烏江過者皆流涕。」快人快語。先獲我心。

人謂關羽天人也。予曰。項羽亦天人也。許獵欲殺華容。則饒人謂關羽把阿瞞作小兒。然則鴻門宴中。項羽又何曾正眼觀劉亭長。來況大丈夫作事。不凌弱。不乘人之危。竊知千軍萬馬中。鎗對鎗。刀對刀。項羽與關羽均能把劉邦曹操殺却。鴻門華谷。劉曹已成俎上之肉。殺之無丈夫氣。論交誼猶其次也。

七十二戰。無不利。一旦喪卻八千子弟。何以爲情。項羽之死。不得已也。勝得敗不得。自有一種可取處。何必勸項羽學勾踐乎。

烹其父。所以脅其子之降也。子無不愛父。以己推人。人當以此降我。此項羽之近人情處也。不得謂曰殘忍。幸分我一杯羹。此爲亘古最不近人情一句話。虧劉邦道得出口。然如此愈足以見項羽之可愛。嗟夫。國人讀史。專崇

求幸福隨筆

二

拜一種。袁巧陰鷲之小人爲英雄。予欲大哭。
人無不崇拜。拿破崙者。予亦然。但予之半論拿破崙。獨取其最後之一敗塗地。此中亦自有說也。蓋拿破崙如能肅捲歐洲。爲全歐之主。或保其法帝之位。以終後之人。亦不過照例恭維幾聲。聖武皇帝無甚特趣。反不如爲一失敗英雄。使千萬世人。歎感嘆也。

日本肝若海軍中將有拿破崙會之組織。曾編輯拿破崙全傳。都八冊。第一冊爲拿破崙少年時代。第二第三以及五六七冊。則分記征普征俄諸戰史。而拿破崙之軼史。亦另刊一編。惟第八冊。則名曰失敗之拿破崙。予亦曾發一癡願。欲譯其全書。但須顛倒其秩序。以失敗之拿破崙一篇冠全書。並贅以己意。聊常短序。其意則略謂以英雄如拿破崙。而猶失敗。則世之不及拿破崙萬一。而妄思推翻共和。恢復帝制者。可以猛省。且拿破崙所爲。均由愛法國一念發生。非徒逞專制之威。雖專制何傷。世無拿破崙。徒使黃口小兒。醒鯢鄙夫。妄自尊大。爲專制魔王。亦國之羞也。

英小說家柯南達利。撰述那德自伐八事。一書其述拿破崙將遮氏之言曰。自拿破崙破崙出。日鞭撻全歐。沉酣不勇之民。使領受勇武之教訓。以去久之技成。遂背其師恩。轉羣驅拿破崙於荒島。歐之人待拿破崙薄也。予曰。今二十世紀之歐人。猶保守其武德。勿衰。且有如火如荼之勢者。均拿破崙所賜也。不可忘。

成功與失敗。雖爲二事。然同有一種性質。則事之歸束是也。既有歸束。總算是了。了一件。事人生數十年。能了一件。事便足。又何必在這成功失敗上計較。一時之短長。西諺云。失敗爲成功之母。含有勸勉之意。其意固甚善。即

中國數千年抑鬱不平之士所常詆之成敗論人一語亦何嘗盡錯夫成敗論人雖不滿意於敗者然敗者終尚有可論之資格且可論之中尙有許多感嘆之聲較之老死牖下沒世無聞者如何故人生在世終須作一件轟轟烈烈之事不論成敗成也固是可喜即失敗亦未嘗不驚動一時項羽拿破崙之故事可以風矣

有一新問答曰既知要拉屎又何必吃飯予戲應之曰因爲要拉屎所以纔吃飯又改其句曰既知終要死又何必想活則當答曰因知道要死所以更想活更又改其句曰人生不過數十年何必多尋事作則又當答曰因爲人生不過數十年所以必多尋事作

稗史載曹操殺呂伯奢事人讀之恆惡曹操之不義夫曹操殺呂證之者陳宮耳苟當時無陳宮事後曹操自道當如何後之人泚筆記之又如何予於此忽另觸憶一事則漁父及浣紗女沉江之事是也稗史載伍員奔吳漁父渡之伍囑其爲彼諱漁父沉江自明後員又乞食於浣紗女亦嚴囑之如前女亦沉江死夫漁父與女之死孰見之不過出於伍員之口苟曹操當日無陳宮在側詎不能以漁父浣紗女擬呂伯奢而謂其全家自殺耶伍員報父母之仇而覆父母之邦千古忍人也漁父浣紗女或實由彼手刃而死亦意中事也一段糊塗公案數千年無人敢道破徒使後世侏儒拾一二人人共知之事異口同聲加以唾罵與吠聲吠影何異又何怪姦雄齒冷凡治小人不可爲己甚天地間有君子必有小人能容小人方成君子此某先哲之格言也雖忘其出處予嘗引此爲誠然予性過烈每一怒輒痛詆人不能自己事後又自悔真莫奈何也歷代許多權姦在當初未嘗不思作